



Toshkent viloyati
Olmaliq shahri hokimining
«08» 08 2017 y.
5 -sonli qarori bilan
RO'YXATGA OLINDI



O'zbekiston Respublikasi
Oliy va o'rta maxsus ta'lim
vazirligi
«11» abryen 2017 yil
550 – sonli buyrug'i bilan
TASDIQLANDI

O'ZBEKISTON RESPUBLIKASI
OLIIY VA O'RTA MAXSUS TA'LIM VAZIRLIGI
ISLOM KARIMOV NOMIDAGI
TOSHKENT DAVLAT TEXNIKA UNIVERSITETI
OLMALIQ FILIALI

U S T A V I

**ИСЛОМ КАРИМОВ номидаги
ТОШКЕНТ ДАВЛАТ ТЕХНИКА УНИВЕРСИТЕТИ
ОЛМАЛИҚ ФИЛИАЛИНИНГ
УСТАВИ**

I. УМУМИЙ ҚОИДАЛАР

1. Тошкент вилоятининг ишлаб чиқариш ва саноат тармоқларида - ёкилғи-энергетика, тоғ-кон, кимё ва бошқа тармоқларда замонавий юқори технологияли ишлаб чиқаришни ташкил этиш, маҳаллий хомашё асосида янги турдаги маҳсулотлар ишлаб чиқиш бўйича инвестиция лойиҳаларини амалга ошириш жараёнида замонвий талабга жавоб берадиган кадрларни тайёрлашни таъминлаш.

Саноат ишлаб чиқариш тармоқларининг узок муддатли ва барқарор ривожланиши, янги ишлаб чиқариш воситаларини амалга татбиқ қилиш, уларнинг маҳсулот ишлаб чиқариш ҳажмини оширишдаги самарадорлигини таъминлаш ва юқори оширилган қийматдаги маҳсулотларни экспорт қилиш бўйича белгиланган вазифалар илғор халқаро тажрибалар асосида юқори малакали муҳандис-техник кадрлар тайёрлаш ва қайта тайёрлашни таъминлаш. Тошкент вилоятида саноат ишлаб чиқариш соҳаси учун юқори малакали муҳандис-техник кадрлар тайёрлаш тизимини янада ривожлантириш ва такомиллаштириш ҳамда олий техник таълим соҳасида халқаро ҳамкорликни кенгайтириш мақсадида ташкил этилган.

Ислом Каримов номидаги Тошкент давлат техника университети Олмалик филиали (кейинги ўринларда Тошкент давлат техника университети Олмалик филиали деб аталади) Ўзбекистон Республикаси Президентининг 2017 йил 20 апрелдаги “Олий таълим тизимини янада ривожлантириш чора-тадбирлари тўғрисида”ги ПҚ-2909-сон қарорига мувофиқ, 2017 йил 29 июндаги “Ислом Каримов номидаги Тошкент давлат техника университети Термиз филиали фаолиятини ташкил этиш чора-тадбирлари тўғрисида”ги ПҚ-3101-сон қарори ҳамда Ўзбекистон Республикаси Президентининг 2017 йил 27 июлдаги Тошкент вилоятида саноат ишлаб чиқариш соҳаси учун муҳандис-техник кадрлар тайёрлаш тизимини такомиллаштириш чора-тадбирлари тўғрисидаги ПҚ-3153-сон қарорига мувофиқ Ислом Каримов номидаги Тошкент давлат техника университети Олмалик филиалининг асосий вазифалари белгилаб берилган.

Тошкент вилоятида саноат ишлаб чиқариш соҳаси учун юқори малакали муҳандис-техник кадрлар тайёрлаш;

фундаментал ва амалий тадқиқотлар соҳасидаги халқаро ютуқларни ўрганиш асосида фойдали қазилмаларни казиб олиш ва қайта ишлаш соҳасидаги маҳаллий илмий ва интеллектуал салоҳиятни ривожлантириш;

фойдали қазилмаларни казиб олиш ва қайта ишлаш бўйича янги илғор технологияларни ишлаб чиқиш, уларни республиканинг геологик ва иқлим шароитидан келиб чиққан ҳолда амалиётга татбиқ қилиш;

тоғ-кон ишлаб чиқариш ва қайта ишлаш соҳасидаги мутахассислар малакасини ошириш, уларни энг замонавий халқаро фан ва технологиялар ютуқлари асосида қайта тайёрлаш;

энг илғор хорижий олий таълим муассасалари ва илмий-тадқиқот марказлари билан кенг ҳамкорликни амалга ошириш.

2. Тошкент давлат техника университети Олмалик филиали давлат олий таълим муассасаси ҳисобланиб, олий таълимнинг асосий ва қўшимча таълим дастурларини бажариш бўйича таълим фаолияти билан шуғулланади, шунингдек, Ўзбекистон Республикасининг қонун ҳужжатларига мувофиқ ўқув-педагогик ва илмий-услубий ҳамда бошқа фаолиятни амалга оширади, таълим хизматларини кўрсатади.

2017/2018 ўқув йилида Филиалнинг махсус сиртки ва кечки бўлимига мақсадли қабул ўрта махсус, касб-ҳунар маълумотиغا, камида уч йиллик амалий иш стажига эга бўлган ҳамда “Олмалик КМК” АЖ, “Навоий КМК” ДК, “Ўзбекистон металлургия комбинати” АЖ, “Ўзбекқўмир” АЖ ва Ўзбекистон Республикаси Давлат геология ва минерал ресурслар қўмитасининг йўлланмаси берилган кадрлар ҳисобидан суҳбат асосида амалга оширилади;

суҳбат Ўзбекистон Республикаси Олий ва ўрта махсус таълим вазирлиги, Ислон Каримов номидаги Тошкент давлат техника университети ва “Олмалик КМК” АЖ томонидан тасдикланадиган Махсус комиссия томонидан ўтказилади;

махсус сиртки ва кечки бўлимларга ўқишга қабул қилинганда ўқишни якунлагандан сўнг кўрсатилган жойда мажбурий равишда беш йилдан кам бўлмаган муддат ишлаб бериш шарти билан тегишли ташкилот, Филиал ва талаба ўртасида уч томонлама шартнома тузилади.

Ўзбекистон Республикасининг таълим муассасаларига ўқишга қабул қилиш бўйича Давлат комиссиясига Филиалда таълим олиш учун йўлланма берувчи ташкилот ва корхоналар рўйхатига ўзгартириш ва қўшимчалар киритиш ҳуқуқи берилган.

3. Тошкент давлат техника университети Олмалик филиали ўз фаолиятида Ўзбекистон Республикасининг Конституцияси, “Таълим тўғрисида”ги Қонуни, Кадрлар тайёрлаш миллий дастури, Олий Мажлис палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Вазирлар Маҳкамасининг қарорлари ва фармойишлари, Олий ва ўрта махсус таълим вазирлигининг норматив-ҳуқуқий ҳужжатлари ва мазкур Уставга амал қилади.

4. Қуйидагилар Филиал фаолиятини молиялаштириш манбалари этиб белгиланган:

Ўзбекистон Республикаси Давлат бюджети маблағлари;

хўжалик фаолиятидан ва шартнома асосида хизматлар кўрсатиш, талабаларни тўлов-контракт асосида ўқитишдан тушадиган тушумлар;

жисмоний ва юридик шахсларнинг хомийлик хайриялари ва мақсадли бадаллари;

халқаро молия ташкилотларининг грантлари;

қонун ҳужжатларида тақиқланмаган бошқа манбалар.

Тошкент давлат техника университети Олмалик филиали юридик шахс ҳисобланади. Оператив бошқарувида ўзига хос махсус мол-мулкка эга ва улар бўйича ўз мажбуриятларига мувофиқ жавоб беради, ўз номидан мол-мулк сотиб

олиши ва мулкӣ ҳамда номулкӣ ҳуқуқларни амалга ошириши, зиммасига мажбурият олиши, судда даъвогар ва жавобгар бўлиши мумкин.

Мустақил балансга, банк муассасаларида ҳисоб–китоб ва бошқа, шу жумладан валюта бўйича ҳисоб рақамларига, Ўзбекистон Республикаси давлат герби тасвири туширилган ва ўз номи ёзилган муҳрга, штамплар ва бошқа реквизитларга эга.

Тошкент давлат техника университети Олмалик филиали жойлашган манзили ва реквизитлари:

110100, Тошкент вилояти Олмалик шаҳри, Мирзо Улуғбек кўчаси.

Тошкент давлат техника университети Олмалик филиалининг ўзбек, рус ва инглиз тилларидаги расмий тўлик (қисқа) номи:

–Ислом Каримов номидаги Тошкент давлат техника университетининг Олмалик филиали (ТДТУ Олмалик филиали).

– Алмалыкский филиал Ташкентского государственного технического университета имени Ислама Каримова (ТГТУ Алмалыкский филиал).

-Tashkent state technical university named after Islam Karimov Olmalik branch (TSTU Olmalik branch).

II. ОЛИЙ ТАЪЛИМ МУАССАСАСИНИНГ АСОСИЙ ВАЗИФАЛАРИ

5. Ислом Каримов номидаги Тошкент давлат техника университети Олмалик филиалининг асосий вазифалари қуйидагилардан иборат:

– шахнинг интеллектуал, маданий ва маънавий–ахлоқий камол топишига бўлган эҳтиёжларини олий таълим ва олий таълимдан кейинги маълумот олиши орқали эришишни қондириш;

– иқтисодиётнинг тегишли соҳалари бўйича олий маълумотли мутахассисларни ва илмий–педагог кадрларни тайёрлаш, қайта тайёрлаш ва малакасини ошириш;

- юқори малакали мутахассисларни халқаро стандартлар даражасида сифатли тайёрлашни таъминлаш;

- иқтисодиёт тармоқларини ривожлантиришнинг илмий-технологик вазифаларини ҳал этишга, илғор хорижий технологияларни синаб кўриш ва жорий этишга йўналтирилган илмий-амалий тадқиқотларни олиб бориш ва ишланмаларни амалга ошириш;

- хорижий мамлакатлар таълим муассасаларининг тажрибасини ва мамлакат иқтисодиёти талаб–эҳтиёжларини ҳисобга олган ҳолда тегишли муҳандислик-техник ва ишлаб чиқариш йўналишлари ҳамда мутахассисликлар бўйича илмий-услубий қўшма илмий лойиҳаларни амалга ошириш, адабиётларни ишлаб чиқиш; таълим жараёнига чет эллик мутахассисларни жалб этиш мақсадида техника соҳасидаги етакчи хорижий олий таълим муассасалари ва илмий марказлари билан ҳамкорлик алоқаларини ривожлантириш;

– жамиятнинг ахлоқий, маданий ва илмий кадриятларини сақлаш ва бойитиш;

– аҳоли ўртасида билимларни тарқатиш, унинг маънавий–маърифий ва маданий даражасини кўтариш;

– илмий–педагог ходимлар ва таълим олувчиларнинг илмий–тадқиқотлари

ва ижодий фаолиятлари орқали фанни тараққий эттириш, олинган натижалардан таълим жараёнида фойдаланиш;

– ҳар томонлама ривожланган ва содиқ шахсни, мустақил давлат фукаросини ўз Ватани фидойиси, халқ, жамият ва оила олдидagi ўз масъулиятини ҳис қилувчи, миллий ва умуминсоний қадриятларни ҳурмат қилувчи, халқ анъаналарини бойитувчи ва мустаҳкамловчи, ватанимиз келажаги учун виждонан ва ҳалол меҳнат қилувчи этиб шакллантириш;

– илмий–техник ишланмаларни ишлаб чиқаришга жорий қилиш, саноат объектларини лойиҳалашда иштирок этиш, техник–иқтисодий асоснома ва меъёрий–техник ҳужжатлар ишлаб чиқиш, лойиҳа–смета ҳужжатларини тузиш; ишлаб чиқаришнинг саноат хавфсизлиги тизимлари бўйича ҳулосалар бериш;

– жорий этилаётган инновацион лойиҳалар натижасида ўқув–тадқиқот, илмий, экспериментал ишлаб чиқариш корхоналари ва ихтисослаштирилган замонавий илмий–тадқиқот лабораторияларини ташкил қилиш;

– илмий–тадқиқот ва тажриба–конструкторлик ишларини амалга ошириш ва бу ишларга талабаларни жалб этиш;

– тегишли таълим йўналишлари бўйича ўқув қўлланмалари ва дарсликларни яратиш, уларни ўқув жараёнларига татбиқ этиш;

– миллий иқтисодиётнинг тегишли тармоқлари бўйича устуворликка эга бўлган ва ишлаб чиқариш эҳтиёжларидан келиб чиққан ҳолда илмий–тадқиқот ишларини олиб бориш ва натижаларини амалиётга татбиқ қилиш;

– фундаментал ва глобал аҳамиятга эга бўлган, хорижий давлатларда эътироф этилувчи илмий мактабларни яратиш ва бундай мактаблар эришган илмий ютуқларни Тошкент давлат техника университети Олмалик филиалида таълим олаётган талабалар орасида мустақил Ўзбекистоннинг ютуқлари сифатида кенг тарғиб этиш;

– МДХ ва хорижий давлатлардаги олий ўқув муассасаларидан, ишлаб чиқариш билан боғлиқ компаниялардан етакчи мутахассисларни таклиф этган ҳолда талабалар учун маъруза курсларини ташкил этиш;

– Тошкент давлат техника университети Олмалик филиали бинолари ва унга тегишли объектларда умумий овқатланиш, ошхона, буфетларни ташкил этиш ва фаолиятини юритиш.

III. ЎҚУВ–ТАРБИЯВИЙ ВА ИЛМИЙ–УСЛУБИЙ ИШЛАРНИНГ СУБЪЕКТЛАРИ, УЛАРНИНГ ҲУҚУҚ ВА МАЖБУРИЯТЛАРИ

а) Талабалар:

6. Тошкент давлат техника университети Олмалик филиалига кириш тест синовларидан етарли баллар тўплаган ва Тошкент давлат техника университети Олмалик филиали директорининг буйруғи билан ўқишга қабул қилинган шахс Тошкент давлат техника университети Олмалик филиалининг талабаси ҳисобланади. Талабага талабалик гувоҳномаси ҳамда рейтинг дафтарчаси берилади.

Тошкент давлат техника университети Олмалик филиалига қабул қонунчиликда белгиланган тартибда умумий ўрта, ўрта махсус, касб–хунар таълими маълумотига эга бўлган шахслар аризаларига биноан Ўзбекистон Республикаси олий таълим муассасаларига талабаларни қабул қилиш тартиби ва

қоидаларига мувофиқ, Ўзбекистон Республикаси таълим муассасаларига қабул қилиш бўйича Давлат комиссияси томонидан тест синовлари натижаларига кўра тўпланган балларнинг рейтинг тизими бўйича амалга оширилади.

Олий таълим муассасаларига қабул барча учун (ҳам грантлар, ҳам тўлов–контракт бўйича) тенг ҳуқуқлилиқ, ягона қабул қоидалари ва ягона танлов асосида амалга оширилиб, тест синовларида энг юқори балл тўплаган абитуриентларнинг давлат грантлари бўйича биринчи навбатда қабул қилиниш ҳуқуқи таъминланади. Қолган абитуриентлар тест баллари рейтинги асосида белгиланган тўлов–контракт квоталари доирасида қабул қилиниш ҳуқуқига эгадирлар. Қонунчиликка мувофиқ тест синовларисиз муайян имтиёз асосида ҳам ўқишга қабул қилиш кафолатланади.

7. Тошкент давлат техника университети Олмалик филиалининг талабалари қуйидаги ҳуқуқларга эга:

- фан, техника, замонавий технологиялар ютуқларига мос келувчи билимлар олиш;

- олий таълим муассасаси ахборот ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланиш;

- Тошкент давлат техника университети Олмалик филиали профессор–ўқитувчиларидан, уларнинг ваколати доирасида ва тегишли дарслар йўналишлари бўйича бепул маслаҳатлар ва йўл–йўриқлар олиш;

- аудиториялар, таълим жараёнига оид техник ва ўқув–кўргазма воситаларидан ўрнатилган тартибда бепул фойдаланиш;

- таълим жараёни самарадорлиги ва таълим сифатини ошириш юзасидан ўз таклиф–мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдириш ва уларнинг кўриб чиқилишини талаб қилиш;

- олий таълим муассасаси ва факультет миқёсида ўтказиладиган оммавий тадбирларда иштирок этиш;

- илмий–тадқиқот ишларида ва илмий конференцияларда қатнашиб, уларнинг натижаларини нашр этиш ва бу ҳақда ахборотлар бериш;

- олий таълим муассасасида қонуний равишда фаолият юритаётган жамоат бирлашмаларига аъзо бўлиш ва улар ишида қатнашиш.

Талаба сифатли ва юқори савияда билим олиши, танлаган ихтисослиги бўйича юқори малакали мутахассис бўлиб етишини учун зарур бўлган қонун ҳужжатларига зид бўлмаган бошқа ҳуқуқлардан фойдаланишга ҳақлидир.

Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

8. Давлат грантлари бўйича ва тўлов–контракт асосида ўқитишнинг ишлаб чиқаришдан ажралган ҳолдаги шаклида таълим олаётган талабалар Ўзбекистон Республикаси Вазирлар Маҳкамаси томонидан белгиланган тартиб ва миқдорда стипендия билан таъминланадилар.

Талабалар тегишли меъёрий–ҳуқуқий ҳужжатларга асосан Ўзбекистон Республикаси Президентининг Давлат стипендияси, бошқа стипендиялар, шунингдек, ўқишга йўллаган юридик ва жисмоний шахслар тайинлаган стипендияларни олиш ҳуқуқига эгадирлар.

9. Ҳарбий хизматни ўташ, саломатлигини тиклаш, ҳомиладорлик ва туғиш, шунингдек болаларни парвариш қилиш таътиллари даврида талабага Ўзбекистон Республикаси Олий ва ўрта махсус таълим вазирлиги томонидан тасдиқланган тартиб асосида академик таътил берилиши мумкин.

10. Ўзбекистон Республикаси қонун ҳужжатларига мувофиқ таълим олаётган талабаларга олий таълим муассасасида ўқиётган вақти давомида ҳарбий хизматга чақириш муддатини кечиктириш имкони берилади.

11. Олий таълим муассасасининг талабалар турар жойига муҳтож талабалар олий таълим муассасаси талабалар турар жойларидан санитария меъёрлари ва қоидаларига жавоб берадиган жой билан таъминланади. Талабалар турар жойларида талабаларга коммунал–маиший хизматлар учун тўловлар олий таълим муассасаси томонидан белгиланади. Турар жойга муҳтож талабалар мавжуд бўлган ҳолда, олий таълим муассасасининг талабалар турар жойлари майдонидан бошқа мақсадларда фойдаланиш (ижарага бериш, бошқа келишувлар)га рухсат этилмайди.

12. Тошкент давлат техника университети Олмалик филиалининг талабалари белгиланган тартиб ва қоидалар асосида бошқа олий таълим муассасаларига ўқишларини кўчириш (қайта тикланиш) ҳуқуқига эга.

Ўзбекистон Республикаси ҳудудида таълим фаолиятини олиб бориш учун лицензияга эга бўлмаган нодавлат олий таълим муассасалари ва бошқа мамлакатлар олий таълим муассасаларининг филиаллари (марказлар, бўлимлар, ўқув–маслаҳат пунктлари ва бошқалар)дан талабаларни Тошкент давлат техника университети Олмалик филиалига ўқишини кўчириш (ўқишга тиклаш) мумкин эмас.

Талабалар ўқишини бир олий таълим муассасасидан бошқасига кўчириш, қайта тиклаш ва ўқишдан четлаштириш тартиби ва қоидалари Ўзбекистон Республикаси Вазирлар Маҳкамасининг 2017 йил 20 июндаги №393-сонли қарори асосида амалга оширилади.

13. Тошкент давлат техника университети Олмалик филиали талабалари олий таълимнинг таълим дастурлари ва ўқув режасида назарда тутилган билимларни эгаллашлари, топшириқларнинг барча турларини белгиланган муддатда бажаришлари зарур ҳамда Тошкент давлат техника университети Олмалик филиалининг Уставига, Ички тартиб қоидалари, одоб-ахлоқ қоидалари ва Талабалар турар жойлари қоидаларига риоя этишлари шарт.

Ўзбекистон Республикаси ҳукумати қарорларида назарда тутилган ҳоллардан ташқари, талабаларни ўқиш вақти ҳисобидан таълим жараёни билан боғлиқ бўлмаган ишларга жалб этиш ман этилади.

14. Ушбу Устав, одоб-ахлоқ қоидалари ва олий таълим муассасасининг ички тартиб–қоидаларида назарда тутилган мажбуриятларни бузган тақдирда талабага нисбатан интизомий жазо чораси қўрилади:

1. Талабалар сафидан четлатиш, талаба олий таълим муассасасидан қуйидаги ҳолларда четлаштирилиши мумкин:

- а) ўз хоҳишига биноан;
- б) ўқишнинг бошқа таълим муассасасига кўчирилиши муносабати билан;
- в) саломатлиги туфайли (тиббий комиссия маълумотномаси асосида);

г) ўқув интизомини ва олий таълим муассасасининг ички тартиб–қоидаларини бузганлиги учун;

д) бир семестр давомида дарсларни узрли сабабларсиз 74 соатдан ортиқ қолдирганлиги сабабли;

е) ўқиш учун белгиланган тўлов ўз вақтида амалга оширилмаганлиги сабабли (тўлов– контракт бўйича тахсил олаётганлар учун);

ж) талаба суд томонидан озодликдан маҳрум этилганлиги муносабати билан;

з) вафот этганлиги сабабли.

Ҳарбий хизматни ўташ, саломатлигини тиклаш, ҳомиладорлик ва туғиш, шунингдек болаларни парвариш қилиш таътиллари даврида талабага Олий ва ўрта махсус таълим вазирлиги томонидан тасдиқланган тартиб асосида академик таътил берилиши мумкин.

2. Белгиланган муддатларда фанларни ўзлаштира олмаган (академик қарздор бўлган) талаба олий таълим муассаса ректори буйруғи билан курсдан қолдирилади.

Академик қарздорлиги туфайли курсдан қолдирилган талаба тўлов–контракт асосида ўқишини қуйи курсдаги ўқув семестри бошидан бошлаши мумкин.

Курсда қолдирилган талаба ушбу Уставнинг юқоридаги бандидаги ҳолатлар бўйича талабалар сафидан четлаштирилиши мумкин.

Олий таълим муассасаси маъмурияти ташаббуси билан талабаларни ўқишдан четлаштириш талабалар касаба уюшмасининг ёзма розилигини инобатга олган ҳолда (касаба уюшмаси аъзоси бўлган талабалар учун) амалга оширилади. Шунингдек, талаба мазкур Уставнинг 14 –“г, д, е” кичик бандларига кўра четлаштирилаётган ҳолда, таълим муассасасининг “Ўзбекистон Ёшлар иттифоқи” ёшлар ижтимоий ҳаракати бошланғич ташкилоти билан ҳам келишилиши лозим.

Талаба олий таълим муассасасидан четлаштирилганда, унга (ота-онаси ёки ҳукукий васийсига уларнинг аризаси билан) шахсий ҳужжатлари, белгиланган шаклдаги академик маълумотнома топширилади ва уларнинг нусхаси шахсий йиғма жилдига тикиб қўйилади.

Интизомий жазога тортилган талаба ўзига қўлланилган жазо чорасининг қонунийлиги ва адолатлилиги юзасидан қонун ҳужжатларида белгиланган тартибда норозилик билдириши мумкин.

Талабага нисбатан қўлланилган интизомий жазо юзасидан маълумот унинг шахсий йиғма жилдида сақланади.

Интизомий жазолар талабаларнинг касаллик ёки таътилда бўлган вақти ҳисобга олинмаган ҳолда хатти–ҳаракат аниқлангандан сўнг бир ойдан ва хатти–ҳаракат содир этилганидан сўнг олти ойдан кечиктирилмай қўлланилади. Талабаларни касаллик пайтида, академик таътил ёки ҳомиладорлик ва туғиш ҳолати билан боғлиқ бўлган таътил пайтларида талабалар сафидан четлаштириш мумкин эмас.

Касаллик пайти талаба (ёки унинг ота–онаси) томонидан ариза ва тегишли маълумотномалар билан, одатда, бир ҳафтадан кечиктирилмаган ҳолда олий таълим муассасасига маълум қилинади.

15. Кадрлар малакасини ошириш ва қайта тайёрлаш тартиби, тингловчиларни ўқитиш шартлари ва ҳуқуқлари конун ҳужжатларига мувофик тегишли меъёрий– ҳуқуқий ҳужжатлар билан белгиланади.

в) Илмий тадқиқотчилар, мустақил изланувчилар:

16. Тошкент давлат техника университети Олмалик филиалининг илмий тадқиқотчилари ва мустақил изланувчилари муайян йўналиш бўйича илмий–тадқиқот ишлари олиб бораётган “PhD” ва фан доктори илмий даражасини олиш учун диссертация тайёрлаётган шахслар ҳисобланади.

г) Олий таълим муассасасининг профессор–ўқитувчилари таркиби, ўқув– ёрдамчи ва маъмурий– хўжалик ходимлари (персонали)

17. Тошкент давлат техника университети Олмалик филиалида профессор–ўқитувчилар таркиби, илмий ходимлар, муҳандислик–техника, маъмурий–хўжалик, ишлаб чиқариш, ўқув–ёрдамчи ва бошқа хизматчилар лавозимлари мавжуд.

Профессор–ўқитувчилар таркибига кафедра мудир, профессор, доцент, катта ўқитувчи, ассистент, ўқитувчи–стажёр лавозимлари киради.

18. Профессор–ўқитувчилар таркибидаги лавозимларни эгаллаш Ўзбекистон Республикаси Вазирлар Маҳкамасининг қарори билан тасдиқланган “Олий таълим муассасаларига педагог ходимларни танлов асосида ишга қабул қилиш тартиби тўғрисида”ги Низомга мувофик танлов асосида меҳнат шартномаси бўйича амалга оширилади.

Тошкент давлат техника университети Олмалик филиалини бевосита бошқариш Ўзбекистон Республикаси конунчилигига мувофик Олий ва ўрта махсус таълим вазирлигининг меъёрий–ҳуқуқий ҳужжатларида белгиланган тартиб асосида амалга оширилади. Факультет декани Ўзбекистон Республикаси олий ва ўрта махсус таълим вазирлиги билан келишилган ҳолда филиал директорининг буйруғи билан тайинланади.

19. Тошкент давлат техника университети Олмалик филиалининг профессор–ўқитувчилари таркиби ва илмий ходимлари қуйидаги ҳуқуқларга эга:

- белгиланган тартибда олий таълим муассасаси ва факультет Кенгаши ҳамда Илмий–техник кенгашларга сайлаш ва сайланиш;

- олий таълим муассасасининг фаолиятига тааллуқли масалаларни муҳокама қилишда иштирок этиш;

- олий таълим муассасасининг ахборот–ресурс маркази, ўқув ва илмий бўлинмаларнинг хизматларидан, шунингдек ижтимоий–маиший, тиббий ва бошқа бўлимлар хизматидан жамоа шартномасига мувофик фойдаланиш;

- ўқитишнинг услуб ва воситаларини танлаш, ўқув ва илмий жараённинг юқори сифатини таъминловчи илмий–тадқиқот ишларини амалга ошириш;

- олий таълим муассасаси маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;

- қонунчиликда белгиланган тартибда танловларда катнашиш, лавозимларни эгаллаш;

- ўзлари ишлаётган кафедра, факультетидан ташқари бошқа факультет, кафедра, ташкилотларда ўриндошлик асосида ишлаш (асосий иш жойи билан келишилган ҳолда);

- хорижий ҳамкасбларнинг соҳага доир илмий ва ўқув–услубий адабиётлари билан танишиш ва улар билан фикр алмашиш;
- ўз фани бўйича сифатли дарсликлар ва ўқув қўлланмалар тайёрлаш;
- назарий билимлар амалий тажрибасини, илмий–тадқиқот олиб бориш услубини, педагогик маҳоратини такомиллаштириб бориш;
- талабаларнинг илмий–тадқиқот ишларига раҳбарлик қилиш;
- илмий–тадқиқот ишлари олиб бориш, фундаментал, амалий ва инновация лойиҳалари, хорижий грантлар ва илмий лойиҳалар ҳамда хўжалик шартномаларида иштирок этиш;
- дарслик ва ўқув қўлланмалар тайёрлаш, монография ва илмий мақолалар ёзиш, ихтиро учун патент, ЭҲМ учун дастурий маҳсулотларга гувоҳномалар олиш ишларини амалга ошириш;
- тасдиқланган режага мувофиқ илмий–тадқиқот ишларини олиб бориш, илмий–тадқиқот ишларининг муҳокамасида иштирок этиш ва уларнинг натижаларини ишлаб чиқаришга жорий этиш, илмий ишлар натижаларини нашр этишга тавсия бериш;
- таълим, фан ва ишлаб чиқаришнинг самарали интеграциясини таъминлашда қатнашиш; талабаларнинг илмий–тадқиқот ишларига раҳбарлик қилиш;
- хорижий етакчи олимлар, илмий марказлар ва таълим муассасалари билан халқаро алоқаларни ривожлантиришда иштирок этиш;
- Ўзбекистон Республикасининг таълим соҳасига оид қонунчилигида белгиланган бошқа ҳуқуқлардан фойдаланиш.

20. Тошкент давлат техника университети Олмалик филиалининг профессор–ўқитувчилари таркиби ва илмий ходимларининг мажбуриятлари қуйидагилардан иборат:

таълим тўғрисидаги қонунчилик, меҳнат ва технология интизоми, муассаса Устави, Ички тартиб ва одоб–ахлоқ қоидаларига қатъий риоя қилиш; ўзининг хизмат вазифаларини виждонан бажариш ва ўқитувчилик шаънига доғ туширмаслик;

иш жараёнида мулоқот қиладиган муассаса ходимлари, талабалар ва бошқа шахслар билан ҳушфёъл муносабатда бўлиш;

иш берувчининг қонуний фармойишларини бажариш, ҳар йили тасдиқланадиган шахсий режа асосида ўқув–услубий, илмий ва маънавий–маърифий ишларни ўз вақтида ва сифатли бажариш, хусусан:

а) ўқув юкламалари ҳажмини, ўқув–услубий, илмий, ўқув–ташқилий ишларни тасдиқланган шахсий режа асосида бажариш ва маънавий–маърифий ишларда иштирок этиш;

б) тасдиқланган режага мувофиқ кафедрада қўннинг 2–ярмида бажариладиган илмий–тадқиқот ишларини бажаришда иштирок этиш ва уларнинг натижаларини ишлаб чиқариш ва ўқув жараёнига жорий этиш чораларини қўриш;

в) таълим, фан ва ишлаб чиқаришнинг самарали интеграциясини таъминлашда қатнашиш, талабаларнинг илмий–тадқиқот ишларига раҳбарлик қилиш;

г) илмий–тадқиқот натижалари бўйича дарслик, ўқув қўлланма тайёрлаш, ўқув адабиётлар, илмий мақолалар, монографиялар ёзиш, ихтиро учун патент, ЭҲМ учун дастурий маҳсулотларга гувоҳномалар олиш;

д) тарбиявий ишларни олиб бориш, талабалар билан маънавий–маърифий ишларда, шу жумладан дарсдан ташқари вақтларда ўтказиладиган тадбирларда бевосита иштирок этиш;

е) ўз малакасини мунтазам равишда ошириб бориш;

– меҳнатни муҳофаза қилиш, хавфсизлик техникаси ва ишлаб чиқариш санитариясига доир қоидаларга риоя қилиш;

– муассасанинг мол–мулкани асраб–авайлаш, ундан оқилона фойдаланиш;

– иш берувчига ходимнинг айби билан бевосита етказилган ҳақиқий моддий зарарни қоплаш;

– муассаса жамоатчилиги ишларида катнашиш;

– педагогик ва илмий жараён самарадорлигини таъминлаш;

– замонавий цивилизация ва демократия шароитида таълим олувчиларнинг танлаган йўналиши (мутахассислиги) бўйича юксак касбий тайёргарликни, меҳнатга бўлган қобилиятни шакллантириш;

– чет тили ва ахборот технологиялари бўйича саводхонлигини ошириб бориш;

– таълим олувчиларда мустақил фикрлаш, ташаббускорлик, ижодий қобилиятни шакллантириш;

– «Устоз–шогирд» тизимида иштирок этиб, ўзига бириктирилган шогирдлар билан илмий, маънавий–маърифий, тарбиявий ишларни амалга ошириш;

– ўзининг одоби, маданияти, маънавий савияси билан ўрнатилган бўлиш;

– қийинчилик маданиятига риоя этиш;

– республикада амалга оширилаётган ислохотлар ва жаҳонда рўй бераётган янгиликлардан хабардор бўлиш;

– университет, факультет, кафедра томонидан ташкил этиладиган маданий, маънавий, маърифий тадбирларда фаол иштирок этиш;

– ўзи ўқитадиган фан дастурини мунтазам фан ва техника ютуқлари асосида бойитиб бориш;

– дарсларни юқори савияда ўқиш;

– фан йўналишига тегишли янги манбаларни топиш ва улар билан талабаларни таништириб бориш;

– ҳар ўқув йили бошлангунга қадар ўзи ўқитадиган фанларнинг ишчи ўқув дастури, календарь режаси ва рейтинг назоратлари жадвалини ишлаб чиқиш ва кафедра мажлисида тасдиқлаш;

– рейтинг тадбирларини ўз вақтида ўтказиш;

– талабалар билимини ҳолисона баҳолаш;

– янги педагогик технологияларни дарс жараёнида қўллаш;

– илмий салоҳият ва педагогик маҳоратини ошириш;

– талабалар илмий–тадқиқот ишларига раҳбарлик қилиш;

– олий таълим тизимида амалга оширилаётган ислохотларда фаол катнашиш;

21. Тошкент давлат техника университети Олмалик филиали профессор–ўқитувчи ходимларининг чет эл хизмат сафарлари Вазирлиқнинг 2005 йил 13

апрелдаги 81-сонли буйруғи билан тасдиқланган “Ўзбекистон Республикаси олий таълим муассасаларидан хорижий сафарларга бориш тартиби тўғрисида”ги муваққат «Йўриқнома» асосида амалга оширилади.

22. Тошкент давлат техника университети Олмалик филиали профессор-ўқитувчилар таркибининг уч йилда камида бир маротаба малакасини ошириш кафолатини таъминлайди.

23. Тошкент давлат техника университети Олмалик филиалининг маъмурий-хўжалик, муҳандислик-техника, ўқув-ёрдамчи ва бошқа хизмат ходимларининг ҳуқуқ ва мажбуриятлари олий таълим муассасасининг Ички тартиб-қоидалари ва лавозим йўриқномалари билан белгиланади.

IV. ЎҚУВ-ТАРБИЯВИЙ ВА ИЛМИЙ-УСЛУБИЙ ИШЛАР

24. Тошкент давлат техника университети Олмалик филиали куйидаги йўналиш ва мутахассисликлар бўйича олий таълим ва олий таълимдан кейинги таълимнинг асосий таълим дастурлари, қўшимча таълим (кадрларни қайта тайёрлаш ва малакасини ошириш)нинг дастурларини амалга оширади.

1) Олий таълим бакалавриат:

ишлаб чиқаришдан ажралган ҳолда бакалавриат ўқув шакли ҳамда махсус сиртки ва кечки бўлимлар.

2017/2018 ўқув йилида Филиалнинг махсус сиртки ва кечки бўлимига мақсадли қабул ўрта махсус, касб-хунар маълумотиغا, камида уч йиллик амалий иш стажига эга бўлган ҳамда “Олмалик КМК” АЖ, “Навоий КМК” ДК, “Ўзбекистон металлургия комбинати” АЖ, “Ўзбеккўмир” АЖ ва Ўзбекистон Республикаси Давлат геология ва минерал ресурслар қўмитасининг йўлланмаси берилган кадрлар ҳисобидан суҳбат асосида амалга оширилади; суҳбат Ўзбекистон Республикаси Олий ва ўрта махсус таълим вазирлиги, Ислом Каримов номидаги Тошкент давлат техника университети ва “Олмалик КМК” АЖ томонидан тасдиқланадиган Махсус комиссия томонидан ўтказилади; махсус сиртки ва кечки бўлимларга ўқишга қабул қилинганда ўқишни яқунлагандан сўнг кўрсатилган жойда мажбурий равишда беш йилдан кам бўлмаган муддат ишлаб бериш шарти билан тегишли ташкилот, Филиал ва талаба ўртасида уч томонлама шартнома тузилади.

	Шифр	Таълим йўналишлари
1	5320200	Машинасозлик технологиялари, машинасозлик ишлаб чиқаришини жиҳозлаш ва автоматлаштириш
2	5111002	Касб таълими: кончилик иши
3	5311600	Кончили киши (фаолият турлари бўйича)
4	5310300	Металлургия
5	5320400	Кимёвий технология (ишлаб чиқариш турлари бўйича)
6	5310700	Электр техникаси, электр механикаси ва электр технологиялари (тармоқлар бўйича)

25. Тошкент давлат техника университети Олмалик филиали асосий таълим дастурларини бакалаврият боскичда амалга оширади:

Бакалаврият – таълим йўналиши бўйича фундаментал ва амалий билимлар берувчи, ўқиш муддати 4 йилдан кам бўлмаган таянч олий таълимдир. Сиртки ўқиш муддати 5 йил

Бакалавр дастурини тугатган битирувчиларга давлат аттестацияси якунлари асосида таълим йўналиши бўйича «бакалавр» даражаси берилади ҳамда давлат намунасидаги диплом топирилади.

Бакалавр давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофик таълим муассасаларининг навбатдаги боскичларида ўқишни давом эттириш ҳукукини беради.

Олий таълимнинг турли боскичда асосий таълим дастурлари бўйича дастлабки таълим олиш иккинчи олий таълим олиш сифатида қаралмайди.

26. Тошкент давлат техника университети Олмалик филиалида таълим жараёнини ташкил этиш, таянч олий таълим муассасаси томонидан ишлаб чиқилган ва ўрнатилган тартибда тасдиқланган ўқув режалари ва фанларнинг дастурлари, олий таълим муассасаси ректори (ўқув ишлари бўйича проректор) томонидан тасдиқланган йиллик календарь ўқув жадвали ҳамда машғулотлар жадвали билан тартибга солинади.

Таълим жараёнини мақсадли йўналтириш йўли билан ташкил этиш, яъни таълим шакллари, услуб ва воситаларини танлаш йўли билан олий таълим муассасаси талабаларига олий таълимнинг асосий касбий таълим дастурларини ўзлаштириш учун зарурий шароитлар яратиб берилиши лозим.

Таълим–тарбия жараёнининг бирлиги давлат таълим стандартлари билан таъминланади. Олий таълим муассасасининг ижтимоий–иқтисодий ва гуманитар фанлар кафедралари, маънавий–маърифий ва спорт бўғинларига, талабалар ва бошқа жамоатчилик ташкилотларига раҳбарлик қилиш ва уларнинг фаолиятини мувофиқлаштириб бориш маънавий–ахлоқий тарбия масалалари бўйича проректор томонидан амалга оширилади.

27. Тошкент давлат техника университети Олмалик филиалида ўқув машғулотларининг қуйидаги асосий турлари белгиланган: маъруза, консультация, семинар, амалий машғулот, лаборатория иши, яқка машғулот (амалий ижро билан боғлиқ бўлган дизайн йўналишида), назорат иши, коллоквиум, мустақил иш, амалиёт, курс лойиҳаси (курс иши), бакалаврлик битирув малакавий иши ҳамда магистрлик диссертацияси.

Аудитория машғулотларининг барча турлари учун 40 дақиқалик танаффуссиз қўшма маъруза академик соат белгиланган. Ўқув машғулотлари орасидаги танаффус камида 10 дақиқа бўлади.

Таълим ва тарбия олиб бориладиган тиллар: ўзбек ҳамда рус тиллари.

28. Тошкент давлат техника университети Олмалик филиалида кадрлар тайёрлаш ишлаб чиқаришдан ажралган ҳамда сиртки ва кечки турларда олиб борилади.

Олий таълимнинг асосий касбий таълим дастури доирасида таълим олишнинг барча шакллари учун ўрнатилган тартибда ишлаб чиқилган ва

“Ўзстандарт” агентлигида давлат рўйхатидан ўтказилган Давлат таълим стандарти қўлланилади.

29. Тошкент давлат техника университети Олмалик филиалида ўқув йили икки семестрга бўлинади ва унинг ҳар бирида талабаларнинг ўзлаштириши рейтинг назорати шаклида олиб борилади.

Ўзлаштирувчи талабаларни курсдан курсга ўтказиш факультет деканининг тавсиясига биноан ректор буйруғи билан амалга оширилади. Талабаларни курсдан курсга шартли ўтказиш мумкин эмас.

Олий таълимнинг таълим дастурларини ўзлаштириш Олий ва ўрта махсус таълим вазирлиги томонидан тасдиқланган ва Адлия вазирлигида давлат рўйхатидан ўтказилган “Олий таълим муассасалари талабалари билимини назорат қилиш ва баҳолашнинг рейтинг тизими тўғрисидаги низом”га мувофиқ тартибга солинади, “Ўзбекистон Республикаси олий таълим муассасалари битирувчиларининг якуний давлат аттестацияси тўғрисидаги низом”га асосан битирувчиларнинг якуний аттестацияси билан тугалланади.

30. Тошкент давлат техника университети Олмалик филиалида илғор педагогик ва ахборот технологиялари, таълимни инди–видуаллаштириш ва мустақил таълим олиш воситаларини, модуль тизими ҳамда масофавий таълим беришни қўллаш ҳисобига мутахассислар тайёрлаш сифатини оширишга йўналтирилган илмий–услубий ишлар амалга оширилади.

2) Олий ўқув юртидан кейинги таълим

31. Тошкент давлат техника университети Олмалик филиалида олий ўқув юртидан кейинги таълим доирасида Ўзбекистон Республикаси Вазирлар Маҳкамаси ҳузуридаги Олий Аттестация Комиссияси томонидан тасдиқланган “Олий малакали илмий ва илмий–педагог кадрлар ихтисосликлар рўйхати”га мувофиқ илмий–педагогик кадрларни тайёрлаш, шунингдек фан доктори илмий даражасини олиш учун диссертациялар тайёрлаш ва ҳимоя қилиш учун олий таълим муассасасига катта илмий ходим–изланувчи ва мустақил изланувчиларни бириктириш ишлари амалга оширилади.

32. Тошкент давлат техника университети Олмалик филиалида Ўзбекистон Республикаси Президентининг 2015 йил 12 июнь даги «Олий таълим муассасаларининг раҳбар ва педагог кадрларини қайта тайёрлаш ва малакасини ошириш тизимини янада такомиллаштириш чора–тадбирлари тўғрисида»ги ПФ–4732–сон Фармони ҳамда Ўзбекистон Республикаси Вазирлар Маҳкамасининг 2015 йил 21 сентябрдаги “Ўзбекистон Республикаси Вазирлар Маҳкамасининг «Олий таълим муассасалари педагог кадрларини қайта тайёрлаш ва уларнинг малакасини ошириш тизимини янада такомиллаштириш чора–тадбирлари тўғрисида»ги 2012 йил 26 сентябрдаги 278–сон Қарорига ўзгартиришлар киритиш ҳақида”ги 273–сон Қарорига мувофиқ кадрларни қайта тайёрлаш ва малакасини ошириш бўйича касбий таълим дастурлари амалга оширилади.

33. Тошкент давлат техника университети Олмалик филиалида Кенгаш ва Васийлик Кенгаши томонидан тасдиқланган мавзувий режалар бўйича бажариладиган ишларнинг сифати ҳамда меҳнат хавфсизлиги таъминланган ҳолда талабалар, магистрантлар, илмий тадқиқотчилар ва мустақил

изланувчилар кенг жалб этилиб, илмий–тадқиқот ва ижодий ишлар олиб борилади.

Илмий–тадқиқотлар қуйидаги маблағлар ҳисобидан молиялаштирилади:

– фан ва технологиялар таракқиётининг устувор йўналишлари бўйича фундаментал, амалий ҳамда инновацион тадқиқотларни бажариш учун ажратиладиган давлат бюджети маблағлари;

– шартнома асосида соҳавий вазирликлар, идоралар, корхоналар, бирлашмалар ва бошқалар, шу жумладан хорижий фонд ва ташкилотлар маблағлари;

Амалга ошириладиган хўжалик шартномалари асосида қуйидаги хизмат турлари кўрсатилади:

– иқтисодиётнинг асосий саноат объектларини лойиҳалаш; ностандарт қурилмалар яратиш ва жорий этиш, саноат тармоқлари учун меъёрий ҳуқуқий ва меъёрий–техник ҳужжатлар ишлаб чиқиш; лойиҳа–смета ҳужжатларини тузиш; лойиҳа–конструкторлик ҳужжатларини тайёрлаш; ишлаб чиқаришнинг саноат хавфсизлиги тизимлари бўйича ҳулосалар бериш ҳамда экспертиза фаолиятини олиб бориш; объектларнинг саноат хавфсизлиги декларациясини тайёрлаш;

– ер қаъридан оқилон ва комплексли фойдаланиш ва уни муҳофаза қилишни бошқариш, тартибга солиш, хавфли ишлаб чиқариш объектларининг саноат хавфсизлигини таъминлаш муаммолари бўйича илмий–тадқиқот ишларини олиб бориш, хавфли ишлаб чиқариш объектларининг саноат хавфсизлиги умумий курси ва экспертлар тайёрлаш бўйича корхоналар муҳандис–техник ходимлари учун ўқув, малака ошириш ва қайта тайёрлаш курсларини ташкил этиш.

Ўзбекистон Республикаси Ички ишлар вазирлиги Филиалнинг буюртманомалари бўйича Филиал ўқув жараёнида иштирок этувчи хорижий мутахассисларга давлат божи тўламасдан кўп маротабали кириш визаларини расмийлаштириш ва узайтириш, шунингдек, профессор–ўқитувчилар таркибини вақтинча рўйхатдан ўтказилишини ва вақтинча рўйхатдан ўтказиш муддати узайтирилишини таъминланади.

Филиалга ўқитувчилик ва илмий иш учун шартнома асосида таклиф этиладиган хорижлик профессор–ўқитувчиларнинг яшаши ва транспорт харажатлари учун тўловларни Ўзбекистон Республикаси фуқаролари учун белгиланган тарифлар бўйича миллий валютада тўлашга рухсат берилган. “Олмалик КМК” АЖга бошқа асосий кадрлар буюртмачилари билан биргаликда Филиалнинг моддий–техник ва лаборатория базасини мустаҳкамлаш, таълим жараёнига чет эллик олимлар, ўқитувчилар ва мутахассисларни жалб этишда кўмаклашиш белгилаб қўйилган.

V. ОЛИЙ ТАЪЛИМ МУАССАСАСИНИНГ ТАРКИБИ

34. Тошкент давлат техника университети Олмалик филиалининг таркибига қуйидагилар киради:

а) 2 та факультет ва 8 та кафедралар:

КОНЧИЛИК ИШИ МЕТАЛЛУРГИЯ ФАКУЛЬТЕТИ	
	* Металлургия кафедраси
	* Кончилик иши кафедраси
	* Кимёвий технология кафедраси

ЭНЕРГЕТИКА ВА МАШИНОСОЗЛИК ФАКУЛЬТЕТИ	
	* Электр техникаси ва электр механикаси кафедраси
	* Машинасозлик технологияси кафедраси
	Умумқасбий ва иқтисодий фанлар кафедраси
ФАКУЛЬТЕТЛАРАРО УМУМТАЪЛИМ КАФЕДРАЛАРИ	
	Гуманитар ва ижтимоий фанлар кафедраси
	Математик ва табиий-илмий фанлар кафедраси

*** Изоҳ:** Олмалик филиали факультет ва кафедралари штат бирликлари талабалар сонни ошириш билан тўлдирилиб борилади.

б) Тошкент давлат техника университети Олмалик филиалининг ташкилий тузилмаси иловада берилган.

VI. ОЛИЙ ТАЪЛИМ МУАССАСАСИНИ БОШҚАРИШ

35. Тошкент давлат техника университети Олмалик филиалини бошқариш Ўзбекистон Республикаси қонунчилиги ҳамда ушбу Уставга мувофиқ яқка раҳбарлик ва олий таълим муассасасининг Кенгаши, Васийлар кенгаши орқали жамоатчилик бошқарувини уйғунлаштириш тамойили асосида амалга оширилади.

36. Тошкент давлат техника университети Олмалик филиалини бевосита бошқариш директор томонидан амалга оширилади.

Директор олий таълим муассасаси фаолиятига, шунингдек, олий таълим муассасасининг Ички тартиб ва одоб-ахлоқ қоидалари, Олий таълим тўғрисидаги Низом ҳамда мазкур Уставда белгиланган мажбуриятлар учун тўла масъулдир.

Директор Ўзбекистон Республикаси қонунчилигига мувофиқ олий таълим муассасаси номидан иш олиб боради, барча идоралар, муассасалар, корхоналарда унинг вакили сифатида катнашади, олий таълим муассасасининг мол-мулкига масъуллик қилади, шартномалар тузади, ишончномалар беради, банк муассасаларида олий таълим муассасасининг ҳисоб рақамларини очади, молиявий маблағлардан ўрнатилган тартибда фойдаланиш бўйича фармойишлар беради.

Директор олий таълим муассасасининг ваколати доирасида:

– филиалнинг барча ходимлари, талабалари ва бошқа таълим олаётганлар учун мажбурий бўлган буйруқлар чиқаради ва топшириқлар беради;

– Олий ва ўрта махсус таълим вазирлиги билан келишилган ҳолда директор ўринбосорлари, факультет деканлари ва бош ҳисобчини лавозимига тайинлайди ҳамда лавозимидан озод қилади;

– филиал директор ўринбосорлари, деканлари лавозимига номзодларни тавсия этади ва уларнинг муайян вазифалари ҳамда масъулиятларини белгилайди;

– филиал ходимлари ва хизматчиларини, шунингдек илмий-педагогик ходимларини Ўзбекистон Республикаси меҳнат қонунчилиги ва Ўзбекистон Республикаси Вазирлар Маҳкамаси томонидан белгиланган тартибда ишга олиш ва бўғатишни амалга оширади;

– филиал ходимларининг лавозим маошларига ўрнатилган тартибда ойлик устамалар ва қўшимчаларни белгилайди;

– касаба уюшма кўмитаси ёки филиалнинг бошқа ваколатли органи билан келишган ҳолда ички тартиб ва одоб-ахлоқ қоидаларини тасдиқлайди;

– филиалнинг амалдаги қонун ҳужжатлари ёки вазирликнинг меъёрий–ҳуқуқий ҳужжатлари бузилган ҳолда чиқарилган буйруқларини бекор қилади;

– филиал Намунавий штат бирликларига мувофиқ ажратилган маблағлар ҳамда иш ҳақи фонди, тасдиқланган олий таълим муассасаси ходимларининг сони ва лавозим маошлари, тариф сеткаси доирасида олий таълим муассасаси профессор–ўқитувчилари таркиби ва олий таълим муассасаси ходимларининг штат бирлигини тасдиқлайди ҳамда лавозим маошларини белгилайди;

– филиал Кенгашининг тавсиясига кўра ўрнатилган тартибда тегишли меъёрий–ҳуқуқий ҳужжатларга мувофиқ факультетларни, кафедраларни очиш ёки ёпиш тўғрисидаги қарорларини вазирлик билан келишилган ҳолда ўрнатилган тартибда тасдиқлайди.

– филиал Кенгашининг тавсиясига кўра ўрнатилган тартибда тегишли меъёрий–ҳуқуқий ҳужжатларга мувофиқ Тошкент давлат техника университети Олмалик филиали тузилмасидаги бошқарма, бўлимлар, талабалар турар жойи дирекцияси, факультетлар, марказларнинг меъёрий–ҳуқуқий ҳужжатларини ҳамда муҳрларини тасдиқлайди.

“Олий таълим муассасасининг кафедраси тўғрисидаги низом” талабларидан келиб чиққан ҳолда филиал Кенгашининг тавсиясига кўра вазирлик билан келишилган ҳолда кафедралар ташкил этилади ёки тугатилади.

Олий таълим муассасаси директорига ўзи ишлаётган олий таълим муассасасида ва ундан ташқарида ҳақ тўланадиган бошқа раҳбарлик лавозимида (илмий ва илмий–услубий раҳбарликдан ташқари) ўриндошлик бўйича ишлашга рухсат этилмайди. Директор ўз вазифаларини ўриндошлик бўйича бажариши мумкин эмас.

37. “Олий таълим тўғрисидаги Низом”га мувофиқ Тошкент давлат техника университети Олмалик филиалида олий таълим муассасаси фаолиятининг асосий масалаларини кўриш учун Кенгаш ташкил этилади.

Тошкент давлат техника университети Олмалик филиали директори Кенгаш раиси ҳисобланади, Кенгашга директор ўринбосорлари, факультетлар деканлари ҳамда кафедралар мудирлари, фан докторларидан етакчи олимлар, шунингдек, талабалар ва олий таълим муассасаси жамоат ташкилоти вакиллари киради. Кенгашнинг бошқа аъзолари умумий мажлисда яширин овоз бериш йўли билан сайланади. Профессор–ўқитувчилар таркибидан Кенгашга сайланадиганлар сони директор буйруғи билан белгиланади.

Кенгашнинг ваколати, уни сайлаш ва фаолият юритиш тартиби таълимни бошқариш бўйича ваколатли давлат органи ҳужжатлари асосида ва директор томонидан тасдиқланган “Олий таълим муассасасининг Кенгаши тўғрисидаги Низом” билан белгиланади.

38. Тошкент давлат техника университети Олмалик филиалида Васийлик кенгаши олий таълим муассасасини бошқарувчи жамоатчилик органи ташкил этилади ва унинг таркибига вазирликлар, маҳаллий ҳокимият, ишбилармон доиралар, жамоатчилик ташкилотлари, жамғарма ва васийлик, бошқа муассасаларининг вакиллари киради.

Васийлик кенгашининг таркиби, ваколатлари, шакллантириш таркиби ва фаолияти “Васийлик кенгаши тўғрисидаги Низом” билан белгиланади.

39. Тошкент давлат техника университети Олмалик филиалида касаба уюшмалари ва бошқа жамоатчилик ташкилотлари фаолият кўрсатади. Талабалар ва ходимлар манфаатларини ҳимоялашни таълим ва фан касаба уюшмалари ҳамда уларнинг филиалда сайланган органлари амалга оширади. Талабалар ва ходимларни ваколат органларининг ҳуқуқлари ва уларга нисбатан филиал маъмуриятининг мажбуриятлари қуйидагилардир:

- меҳнат қилиш, ишни ва касбни эркин танлаш, адолатли меҳнат шaroитида ишлаш, ишсизликдан ҳимоя қилинишига доир конституциявий ҳуқуқларини ҳимоя қилиш;

- меҳнатга ҳақ тўлаш ва меҳнат тартибининг ижтимоий адолатли тизимини жорий этишга ва унга риоя қилишга қўмаклашиш;

- меҳнат, ижтимоий, иқтисодий, маънавий, интеллектуал ҳуқуқ ва манфаатларини муҳофаза қилиш;

- ходимларнинг маънавий–маърифий савиясини ошириш, бўш вақтларини ва дам олишларини мазмунли ташкил қилиш;

- таълим ва фан соҳасининг ривожланиш даражасига кўра ходимлар малакасининг оширилишига ва касбий қайта тайёрланишига, аттестациядан ўтишларига қўмаклашиш;

- ходимларга нисбатан меҳнат қонунчилиги, меҳнатни муҳофаза қилиш ва атроф–муҳитни муҳофаза қилиш қонунлари талабларига риоя қилинишини назорат қилиш, уларнинг ҳуқуқий муносабатларини амалга ошириш;

- ходимлар ва уларнинг оила аъзоларини соғломлаштириш, жисмоний тарбия ва спорт билан шуғулланишларига қўмаклашиш;

- иш берувчилар билан тармоқ ва ҳудудий жамоа келишувлари, юридик шахс мақомига эга муассаса ва ташкилотлар маъмуриятлари билан жамоат шартномаларини тузиш, уларнинг бажарилиши устидан назорат ўрнатиш.

Амалдаги низомларга мувофиқ Тошкент давлат техника университети Олмалик филиалида илмий, илмий–техник ва ихтиёрий жамиятлар, илмий–услубий, илмий–техник кенгашлар ва комиссиялар, ёш олимлар кенгаши ва бошқалар ташкил этилиши мумкин.

Кенгаш ўз фаолиятида олий таълим муассасаси жамоатчилик ташкилотларининг тавсияларини кўриб чиқади ва ўз фаолиятларида уларни ҳисобга олади.

40. Тошкент давлат техника университети Олмалик филиали факультетини Ислам Каримов номидаги Тошкент давлат техника университети ректори тавсияси ва Олий ва ўрта махсус таълим вазирлиги билан келишилган ҳолда директор томонидан тайинладиган декан бошқаради.

Факультет декани ўз фаолиятида “Олий таълим муассасасининг факультети тўғрисидаги Низом”га амал қилади.

“Олий таълим муассасасининг факультети тўғрисидаги Низом”га мувофиқ факультетда Кенгаш ташкил этилиши мумкин.

Кенгашнинг таркиби, ваколатлари, шакллантириш ва фаолиятининг тартиби “Олий таълим муассасаси факультетининг Кенгаши тўғрисидаги низом” билан белгиланади.

Кафедра фаолиятига Ўзбекистон Республикаси Вазирлар Маҳкамаси томонидан тасдиқланган Низомга мувофиқ танлов асосида олий таълим муассасасининг Кенгаши томонидан сайланадиган мудир раҳбарлик қилади.

Кафедра мудирининг ваколатлари ва кафедра фаолиятининг тартиби “Олий таълим муассасасининг кафедраси тўғрисидаги низом” билан белгиланади.

VII. МОЛИЯ–ХЎЖАЛИК ФАОЛИЯТИ ВА МОДДИЙ–ТЕХНИК БАЗА

41. Тошкент давлат техника университети Олмалик филиалига ушбу Уставда назарда тутилган фаолиятни амалга ошириш мақсадида оператив бошқариш ҳукуки билан давлат (таъсисчи) томонидан бинолар, иншоотлар, мулкӣ мажмуалар, олий таълим муассасасининг паспортига мувофиқ асбоб–ускуналар, шунингдек истеъмол, ижтимоӣ, маданий ва бошқа мақсадлар учун зарур бўлган мулклар бириктирилган.

Тошкент давлат техника университети Олмалик филиали фақат Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган объектлар қаторига киритилган.

Тошкент давлат техника университети Олмалик филиалига ажратилган ер участкалари олий таълим муассасасига муддатсиз текин фойдаланиш учун бириктирилган.

42. Тошкент давлат техника университети Олмалик филиалига жисмоний ва юридик шахслардан совға, ҳадя ёки васият бўйича берилган пул маблағлари, мол–мулк ва бошқа мулкӣ объектларга, олий таълим муассасаси фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинadиган мулкӣ объектларга эгалик қилиш ҳукуки берилган.

43. Тошкент давлат техника университети Олмалик филиали мол–мулкни ижарага олувчи ва мол–мулкни ижарага берувчи сифатида фаолият кўрсатиш ҳукукига эга. Ўзбекистон Республикасининг Фуқаролик кодекси ва Ўзбекистон Республикаси Вазирлар Маҳкамаси томонидан тасдиқланган “Давлат мулкни ижарага бериш тартиби тўғрисида Низом”га мувофиқ филиал ўзига бириктирилган ижарага берилиши қонун ҳужжатларига зид бўлмаган бинолар, иншоотлар ва уларнинг қисмлари, асбоб–ускуналар, транспорт воситалари шаклидаги давлат мулки ва бошқа мол–мулкларни Кенгашнинг розилиги билан тасарруф этиш ҳуқуқисиз, белгиланган нархлар бўйича ижарага беришни амалга оширади.

Ижара ҳақи сифатида олинган маблағлар таълим жараёнини таъминлаш ва уни ривожлантириш учун фойдаланилади.

44. Тошкент давлат техника университети Олмалик филиалининг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет маблағлари, давлат томонидан белгиланган меъёрлардан келиб чиққан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек бюджетдан ташқари

маблағлар, жумладан талабалар ва тингловчиларни ўқитиш учун белгиланган тартибда олинган тўлов–шартнома асосидаги маблағлар ҳисобига амалга оширилади.

45. Тошкент давлат техника университети Олмалик филиали олий таълим муассасасининг асосий фаолиятига зарар етмайдиган тартибда таълим ва бошқа соҳаларда пуллик хизмат фаолиятини амалга ошириши мумкин. Филиал шуғулланадиган тадбиркорлик фаолияти унинг Уставида белгиланган вазифаларга мос келиши керак.

Филиал ўз мулки билан хўжалик жамиятлари ва ширкатларнинг устав жамғармасида катнашиш, пуллик таълим хизматлари, консалтинглар ва бошқа хизматлар учун нархларни белгилаш, солиқ ва конунчиликда назарда тутилган бошқа мажбурий тўловлардан сўнг қолган даромадни мустақил тасарруф этиш ҳукукига эга.

Филиал пуллик таълим хизматлари бюджетдан ажратиладиган маблағлар ҳисобидаги таълим фаолияти доирасида ва унинг ўрнига амалга оширилиши мумкин эмас.

Филиал Ўзбекистон Республикаси конунчилигига ҳамда мазкур Уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қилади.

46. Тошкент давлат техника университети Олмалик филиалида лавозим маошлари меҳнат шартномаси (битими) тузилаётганда “Олий таълим муассасалари ходимлари меҳнатига ҳақ тўлаш тўғрисидаги Низом” ва меҳнатга ҳақ тўлашнинг ягона тариф сеткасига мувофиқ белгиланади. Филиал ходимига лавозим маоши (ставка) ўз функционал вазифаларини ҳамда меҳнат шартномасида назарда тутилган ишларни бажарганлиги учун тўланади. Қўшимча маош, устама ва бошқа моддий рағбатлантириш тадбирларининг ҳажмини филиал мустақил, иш ҳақи фонди доирасида конунчиликда назарда тутилган тартибда ва ҳажмда белгилайди.

Белгиланган маошлар аттестация натижасига кўра фақат уни ошириш мақсадида қайта кўриб чиқирилиши мумкин.

47. Тошкент давлат техника университети Олмалик филиали олий таълим муассасасида ташкил этилган жамоат ташкилотларига фаолият кўрсатишлари учун зарур бўлган хоналарни ажратади ва уларнинг тозалигини таъминлашни ташкил этади.

Филиал ҳудудида жойлашган ёки унинг балансида бўлган ҳамда талаба, тингловчи ва ходимларга хизмат кўрсатувчи ошхона ва бошқа умумий овқатланиш муассасаларига иситиш, ёритиш ва сув таъминоти билан таъминланган хоналар ажратилади.

Филиал тегишли биноларини таъмирлаш, реконструкция қилиш ёки янгиларини қуриш, уларнинг молиявий таъминоти конунчиликда белгиланган тартибда амалга оширилади.

48. Тошкент давлат техника университети Олмалик филиали бинолари ва унга тегишли объектларда умумий овқатланиш, ошхона, буфетларни ташкил этиш ва фаолият юритиш ҳукукига эга.

VIII. ХАЛҚАРО ҲАМКОРЛИК

49. Тошкент давлат техника университети Олмалик филиали Ўзбекистон Республикаси “Таълим тўғрисида”ги қонунининг 33–моддасига мувофиқ таълим муаммолари юзасидан халқаро ҳамкорликда иштирок этади, хорижий давлатларнинг тегишли олий ўқув юртлари ва илмий марказлари билан бевосита алоқалар ўрнатиш, қонун ҳужжатларида белгиланган тартибда улар билан қўшма ўқув юртлари, илмий марказ ва лабораториялар ташкил этиш ҳуқуқига эга.

Чет эл фуқароларини тайёрлаш, қайта тайёрлаш ва уларнинг малакасини ошириш, таълим муассасаси илмий–педагогик ходимларининг Ўзбекистон Республикаси ҳудудидан ташқарида ўқитувчилик ва илмий–тадқиқотчилик ишлари давлатларaro органнинг хорижий давлатларнинг таълимни бошқариш бўйича тегишли органлари орасидаги шартномалар, шунингдек Тошкент давлат техника университети Олмалик филиалининг қонунчиликка мувофиқ чет эл фуқаролари ва хорижий юридик шахслар билан бевосита тузган шартномалари асосида амалга оширилади.

50. Тошкент давлат техника университети Олмалик филиали қуйидаги ҳуқуқларга эга:

- халқаро нодавлат ташкилотларга кириш;
- Ўзбекистон Республикасининг халқаро шартномалари деб қаралиши мумкин бўлмаган, хорижий шериклар билан ҳамкорликдаги фаолият тўғрисида белгиланган тартиб асосида шартномалар тузиш;
- хорижий шериклар иштирокида олий таълим муассасасининг таркибий бўлинмалари (марказлар, лабораториялар, техник саройлар ва бошқа бўлинмалар)ни қонунчиликда кўзда тутилган тартибда ташкил этиш.

51. Тошкент давлат техника университети Олмалик филиали Ўзбекистон Республикасининг қонунчилигига мувофиқ ушбу Уставда назарда тутилган ва “Таълим тўғрисида”ги қонун ҳамда Кадрлар тайёрлаш миллий дастурида белгиланган вазифаларни бажаришга, шунингдек халқаро алоқаларни ривожлантиришга йўналтирилган ташқи иқтисодий фаолият билан шуғулланиш ҳуқуқига эга.

52. Тошкент давлат техника университети Олмалик филиалининг ташқи иқтисодий фаолиятидан тушган валюта, моддий тушумлар қонунчиликка биноан унинг Уставида белгиланган фаолиятини таъминлаш учун ишлатилади.

IX. ЯКУНИЙ ҚОИДАЛАР

53. Тошкент давлат техника университети Олмалик филиали Ўзбекистон Республикасининг қонунчилигида белгиланган тартибда қуйидагиларга жавоб беради:

- унинг ваколатига киритилган вазифаларни бажармаганлиги;
- таълим жараёнида ўқув режа ва жадвалларга мувофиқ таълим дастурлари ҳажмини тўлиқ бажармаганлиги;
- таълим жараёни вақтида Филиал таълим олувчилар ва ходимларининг ҳаёти ва соғлиғи;
- таълим олувчилар ва Филиал ходимларининг ҳуқуқ ва эркинликларнинг бузилганлиги;

– Ўзбекистон Республикасининг қонунчилигида назарда тутилган бошқа хатти– ҳаракатлар.

54. Тошкент давлат техника университети Олмалиқ филиали Ўзбекистон Республикаси қонунчилигига мувофиқ Ўзбекистон Республикаси Вазирлар Маҳкамаси томонидан белгиланган тартиб асосида қайта ташкил қилиниши ёки тугатилиши мумкин.

Ушбу Устав Тошкент давлат техника университети Кенгашининг 2017 йил “7” август № 10 -сонли йиғилиши томонидан маъқулланган.

Тошкент давлат техника университети
Олмалиқ филиали директори



А.Самадов

